



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Sancti Lvdovici Caroli II. Regis Siciliae Filii, Ex Ordine Minorvm Episcopi Tolosani Vita**

**Sedulius, Henricus**

**Antverpiæ, 1602**

Elogia. In S. Ludouicum Episcopum Tolosanum. Ioannes PP. XXII.

**urn:nbn:de:hbz:466:1-42834**

## ELOGIA

In S. Ludovicum Episcopum Tolosanum.

IOANNES PP. XXII.



S. Ludovicus electus ex omnibus.

VI facit mirabilia magna solus, Psalm. 135. 4.  
dilectum suum, confessorem eximium, beatum videlicet Ludovicum, puritate candidum, caritate feruidâ rubicundum, electum ex millibus, produxit nouiter vt exemplar præfulgidum, cunctis fidelibus imitandum: eius vitæ singularis excellentiam signis probans, & prodigiis coruscantibus, crebris miraculis manifestans. In bulla Canonizat. §. 1.

Hymnus.

Omnium virtutum simulacrum.

Vergente mundi vespere, Sol mudo misit hesperum:  
Qui micans vt in æthere, lucē monstrauit operum:  
Ludovicus per omnia, ductu diuinæ gratiæ  
Vectus est, ab infantiâ Solem sequens iustitiæ.  
Regali stirpe genitus contempsit primogenita:  
Regno terreno penitus mente carens gratuitâ.  
Detentus in Hesperia claret per patientiam:  
Nam passus nimis graua, præfert semper lætitiâ.  
Dum patitur exilium, datur solerti studio:  
Christus eius ingenium suo perfudit radio.  
Quo repletus deificè, profert cunctis saluifica:  
Vbique fans authenticè præco Dei mirifica.  
Factus Francisci filius, virgo candens vt lilium.  
Fit & præsul eximius, collega nunc cælestium.  
Ex officio Breuiarij antiqui ad primas Vesperas.

Mutato habitu ingressus est bellum.

Pelbartus à Themesuar Ordinis Minorum.

De Sancto Ludouico dicere licet, Rex mutauit 3. Reg. habi- 22. 30.

ELOGIA

83

habitum suum, & ingressus est bellum. *Conc. de S. Ludouico.*

*Hieronymus Platus Societatis Iesu.*

Ludouicus Caroli II. \* Gallorum regis filius \* primogenitus, omnibus certè animi & corporis bonis ornatus. Hic cùm obses in Hispaniâ salutare religionis consilium cœpisset, sed à Franciscanis ob regis respectum differretur: ipse se voto, nec semel, publicè obstrinxit. deinde cum anno \* M. CC. xcvii. à Bonifacio viii. Tolosanus ei Archiepiscopatus deferretur; assentiri numquam voluit, nisi prius veteris voti compos fieret, vt Franciscanum habitum susciperet, quem in magnâ nobilium coronâ susceptum numquam amplius deposuit: sed potius cum habitu vitæ illius rigorem perpetuò retinuit, Episcopales curas religiosis officiis cumulans. *Lib. 2. de bono Status relig. cap. 26.*

\* Vide Commen-  
tarium  
meum in  
cap. 1.

\* Vide  
Com. ad  
cap. 19.

A quo  
dixi dila-  
tus non  
tamen  
absentus

*Robertus à Licio Ordinis Minorum, Episcopus  
Aquinatensis.*

Quis non magnificiat Sanctum Ludouicum? qui regis & reginæ filius, formosus corpore, diuitiis affluens, ætate florens, ingenio acutus, ac qui-  
buslibet temporalibus bonis abundans, vitia spreuit, terrena calcauit, & Christum Iesum benè beateque viuendo quæsiuit? *Conc. de S. Ludouico cap. 1.*

Omnibus  
dotibus  
ornatus.

*Hieronymus Platus Societatis Iesu.*

Illud manet, quod supra posuimus & confirmatum est, magnam esse huius status, etiam apud homines dignitatem; multoque eminentiorem omnibus regum sceptris atque imperiis. Hoc benè intellexit Ludouicus ille Caroli \* Gallorum regis filius, de quo supra à nobis alio loco dictum est. qui cùm

\* Vide  
Commen-  
tarium  
meum in  
cap. 1.

ter-

terreni regni tam opulenti hæreditatem contem-  
 Tam ho- nens , Franciscani Ordinis habitum suscepisset,  
 noratus quem diuturnis ardentissimisque votis cõcupierat;  
 ab ordme eique à quodam eiusdem Ordinis fratre inter gra-  
 quam eũ tulanum dictum esset, valde illum eo die Franci-  
 honora- scana familiam honorasse: respondisse fertur, Imò  
 tis. verò ego potiùs ex hoc habitu, magno sum hodie  
 honore affectus. *Lib. 2. de bono Status relig. cap. 37.*  
*Ex lib. Conform. fruc. 8.*

*Laurentius Surius Carthusianus.*

Excelsis Inter omnia diuina charismata, præcipuè in eo  
 in eo hu- relucebat eximia hūmilitas, haud aliter atque car-  
 militas. bunculus in aureo ornamento.

*Item paulò pòst.*

Ad eius conciones audiendas tantâ auuiditate ad-  
 Et gratia currebant homines, vt propter turbas sese inuicem  
 concionã- comprimentes, quidam in mortis discrimen addu-  
 di. cerentur. *Tom. 4. ad diem 19. Augusti.*

*Hartmannus Scheydel.*

Ludouicus, felix, sanctus, ex regali progenie, pa-  
 tre Carolo secundo rege Siciliae, matre Mariã regi-  
 na Siciliae & Hungariae, originem habuit. In ætate  
 Vita eius tenellâ religiosum præceptorem habens, ductus est  
 totius bre- in Cathaloniam, cum duobus è fratribus suis datus  
 uarium. obses pro liberatione regis Caroli genitoris. vbi per  
 septennium à fratribus Ordinis Minorum libera-  
 libus ac diuinis artibus instructus, doctus euasit: vt  
 publicè ac priuatim disputaret, clero ac populo  
 verbum Dei manifestaret. fuit in orationibus se-  
 ctulus. factus Sacerdos fermè singulis diebus cele-  
 brabat. Castitatis amator: vt exceptâ matre, ac so-  
 roribus, cum solâ numquam loqueretur. Corpus  
 castigabat assiduè. Inde ad petitionem Bonifacij  
 Põntificis, priùs Ordinem Minorum professus, &  
 habi-

15  
habitum suscipiens, Episcopatum Tolosanum re-  
gendum accepit, vbi mira opera pietatis perfecit.  
Demum in infirmitate vltimâ constitutus, susceptis  
deuotissimè Sacramentis, resolutus in mortem, ad <sup>Mors sa-</sup>  
cælum feliciter euolauit; quem Dominus magnis <sup>lutaris.</sup>  
miraculis magnificauit: consummatis enim operi-  
bus bonis, tēpora multa expleuit. *Sextâ etate mundi.*

*F. Henricus Sedulius ex Ordine Minorum.*

S. Ludouicus Caroli II. Siciliae regis filius, ex  
Ordine Minorum Episcopus Tolosanus, vultus,  
totiusque corporis venustate & pulchritudine su-  
pra fidem excellens; animi verò dotibus, pietate,  
religione, ieiuniis, assiduis precibus, afflictione cor-  
poris, igneis continuisque domi, foris, cōcionibus,  
miseratione in pauperes, obsequio in miseros, lon-  
gè præstantior, omniumque coronâ virtutum.  
Spretis Siciliae & Hungariae potentibus regnis, quæ  
iure ac legibus adire potuit, Ordini S. Francisci se  
summâ deuotione addixit, caduca ista & fragilia,  
puerilibusque consentanea crepundiis, quæ opes,  
quæ imperia vocantur; quæ nullo in loco, in nullâ  
personâ stabilibus nixa consistunt radicibus, sed  
incerto fortunæ flatu fluunt, refluunt; ex alto despi-  
ciens, verum beatæ vitæ finem non adumbratum  
ostendens, magis probauit securitate ridens tugu-  
rium, quàm tristem curis & sollicitudinibus aulam.  
memorabili exemplo vanâ felicitate dispretâ, soli-  
dam demonstrauit, Euangelicâ paupertate & hu-  
militate Christianâ, quàm regno sublimior. Rebus  
humanis exempto admodum quidem adolescenti,  
sed paucis annis operû multitudinem superatis; vir-  
tutes aditum in cælum struxerunt, ∞. CC. XCVII.  
quem miraculis coruscum infinitis, Ioannes XXI I.  
in scriptis catalogo Diuorum; in sanctitatis eximie  
fidem, capitis eius cerebro, an. à morte XVIII. inte-  
gro reperto.

IN-